

天庭畫察陽元功過夜判冥府鬼神若人傳  
寫千本勝看一藏真經吾遣天丁擁護自然  
百福來臻即說呪曰

大聖敵魔糾察三界鬼神憲都提轄使三  
界採探捕鬼使者元始一炁七階降龍伏虎

大將軍崇寧真君雷霆行符伐惡招討大使  
三十六雷總管鄧都行臺御史提典三界鬼  
神刑獄公事大典者提督刑案神霄大力天  
丁三界都總兵馬招兵大使統天禦地誅神  
殺鬼大元帥

爾特與會文武聖衆聞是經說莫不踴躍讚  
嘆稱善若人虔心誦誦上至  
帝王下及庶民即得星辰順度社稷安寧人  
物康阜災厄蠲除凡有請祈悉應其感一切  
人天均霑利益信受奉行作禮而退

太上大聖朗靈上將護國妙經

太上大聖朗靈上將護國妙經

大明萬曆三十五年歲次丁未上元吉旦  
正一嗣教凝誠志道闡玄弘教大真人  
掌天下道教事張國祥 奉  
旨校梓



太上老君說城隍感應消災集福妙經

太上老君說城隍感應消災集福妙經

開經偈

稽首皈依城隍尊 威靈烜赫鎮乾坤  
護國安邦扶社稷 降施甘澤救生民  
統轄大兵巡世界 賞善罰惡日同明

正直公忠判生死 禍淫福善闡威靈

虔心欽奉消災障 家道平康國土清  
真經開演我今誦 願賜恩光普降臨

爾時

太上老君道德天尊昔在大羅天上七寶宮

內大集諸天諸地日月星宿三界官屬弘演  
無上至真玄元大道於是奇花燦爛瓊香馥

郁特有真人名曰廣惠執簡長跪上白

天尊曰臣觀見世間一切衆生受諸苦惱伏  
望

天慈憐憫開宥

天尊乃撫几而言此等衆生造諸惡業沉輪  
苦海奸貪恣縱任意所為不孝不忠不仁不  
義不恭三寶不禮神明小斗大秤穢殘五穀  
怨天怨地恨雨恨風毀謗正道惡口傷人邪

淫奸盜殺害生靈致遭罪咎永失人身真人  
重告

天尊曰世間眾生受此厄難何緣得度

天尊曰善哉善哉下方生人皆由城隍申奏  
定數不差世間若有善信男女轉誦此經三

五十遍以至百千萬遍即得消除罪業安享  
太平

老君曰其神天地儲精山川鍾秀威靈顯赫  
聖道高明無黨無偏公忠正直有求必應如  
影隨形代天理物剪惡除兇護國保邦功施

杜稷濟降甘澤普救生民統轄十八真司主  
管百萬神將積功累行位正城隍權掌天下  
威鎮萬邦真人聞說稽首頂禮

天下都城隍威靈公

天下十三布政城隍之神

天下各府州縣城隍之神

兩廊一十八司曹案官班聖眾

主管天下人生死案判官

主管長生注命案判官

主管病疾疫案判官

主管福祿延壽案判官

主管注生子孫案判官

主管立應見報案判官

主管看經修功德案判官

主管齋戒殺生案判官

主管幻神推勘案判官

主管磨着陳詞案判官

主管風雨龍王案判官

主管追取遺送案判官

主管胎卵濕化案判官

主管惡鬼惡靈案判官 善惡報應案判官

主管億劫魑魅魍魎案判官

善山林分野案判官 善善惡報應案判官

左右金甲侍衛大神 前擁後從神武將軍

執權金童散花玉女 隲間一切神兵將吏

是時

城隍哀憫世間一切眾生或有年災月厄命  
運蹇滯天羅地網鯨鯨孤獨瘟疫癘瘡瘡腫  
疥癩官非口舌尅乏後嗣刀兵水火盜賊生  
產一切厄難若誦此經吾當速遣行瘟使者



收瘟聖眾即除罪簿永滅惡根於是真人再  
告

天尊曰世間若有善男子善女人廣濟陰功  
行諸方便施財周急愛老憐貧飲此三寶孝  
養父母忠於君王惜愛衣食和同六親不作

非為持齋奉道善籍標名丹臺詩善增延福  
壽世代榮昌子嗣綿永世世不絕

天尊曰城隍尊神威權實重顯化無邊禱雨  
則甘霖蘇稿禾稼成熟祈晴則化陰成陽應  
時朗霽若有善男子善女人一心專志念道

恩真但於三元八節諸神聖誕朔望之期本  
命良辰持齋誦經作種種功德即得見世安  
樂增長福田門昌族貴光顯安榮官階進崇  
高之職商賈增阜盛之財舟航無波浪之驚  
陸程有安妥之美凡在塵壤悉歸統制於是

天尊而說偈曰  
大哉城隍 實天生德 虹流華渚  
山嶽降靈 承天稟命 統制萬邦  
主判生死 報應分明 賞善罰惡  
不爽毫分 明同日月 德並乾坤

皇都肅靖 奸宄不生 救災拔難  
佑國康民 大卸乾地 廟貌尊嚴  
國崇祀典 禮儀精極 天下欽敬  
率土歸心 禦災捍患 永鎮八方  
香膏綿永 億萬斯春

天尊說是傷已。惟見龍輿鶴駕。迎歸碧落之天。萬聖千真。各返雲霄之內。城隍上聖。頓首拜辭。留以真經。下傳世間。流通讀誦。若遵經旨。受福無窮。諸神歡悅。信受奉行。

太上老君說城隍感應消災集福秘經終

都城隍真誥  
杜稷古公。天下正神。銓福國顯忠之行。實善罰惡之仁。都邑之主。諸郡侍從。所隸十三布政。案判一十八司。廟社萬年。恩扶億劫。設作福作威之柄。造注生。注死之權。運神力以護郢川。遇險兵而驅夷寇。至靈至聖。乃正乃公。護國保寧。佑聖王威靈公。感應尊神。

太上洞玄靈寶五顯觀華光本行妙經。隸入爾時。元始天尊於赤明劫初。在大羅天上。玉清聖境。清微天中。九光元陽之殿。與太上玉晨道君。太上玄元老君。諸天上帝。坐九色龍鳳寶座。垂十絕靈幡。羽蓋玉童。玉女散諸天。

香寶花遍滿十方。是時九鳳齊唱。八鸞同鳴。天樂自響。靈鳳聚煙。獅子白鶴。嘯歌離離。天無氛穢。山嶽藏雲。元始天尊。現神通妙力。垂九色祥光。天宮玄都。莫不煥然。下燭十方。無極世界。俱同一相。琉璃清瑩。洞徹無碍。表裏分明。十方無極。飛天神王。至尊大神。一時同會。于時東方九炁青帝天君。侍真靈官無鞅數。眾浮空而至。南方三炁赤帝天君。侍真靈官無鞅數。眾浮空而至。西方七炁白帝天君。侍真靈官無鞅數。眾浮空而至。北方五炁黑帝天君。侍真靈官無鞅數。眾浮空而至。中央一炁黃帝天君。侍真靈官無鞅數。眾浮空而至。至雲集法會。稽首恭敬。咸聽。

元始天尊說無上玄元真一妙法諸天神仙。步虛旋繞。三界侍軒。同聲讚詠。當此之時。喜

慶難言。幽閔重開。並受光明。苦爽幽魂。一時解脫。時會中有長生度世真人。萬福好生真人。慈悲普濟真人。越班整佩。執簡而出。稽首上白。天尊言。天尊大慈。天尊大聖。鑿開天地。運度陰陽。為萬靈師。為群生父母。等宿緣流。

慶得侍至真。忝居真列。今者得預大會。拱聽法音。宜演重玄。俱蒙開化。恩不可量。下等伏視下方世界。魔鬼流行。侵害生民。三災競起。五毒興行。水火刀兵。凶年饑饉。死亡至眾。甚可哀傷。未審以何緣。遭罹此苦。恭惟天尊。

至仁善貸。開度群迷。大宏濟度之門。廣布慈悲之化。天尊曰。汝當攝念存誠。吾當為汝演說善惡因緣。良久曰。原夫。上元之時。人多淳朴。與天地同體。惟道是修。教化眾生。使歸正道。不為物觸心。廣體胖。無有損傷。克終壽命。中元之人。稟謙和美。厚之人。施慈惠。溫良之德。存恤孤寡。拯濟飢貧。後已先人。務行方便。下元之人。生處世間。造惡不悛。不修善行。道德又廢。仁義不行。不敬天地。不禮三光。不畏神明。不